

Šef Regionalnog ureda OHR-a u Mostaru napušta dužnost

Zamjenik visokog predstavnika i šef Regionalnog ureda OHR-a u Mostaru, Jacques Andrieu će 10. maja 2004. godine okončati svoj mandat na ovoj funkciji. Ambasador Andrieu se vraća u Pariz da preuzme nove dužnosti u okviru francuske administracije. Osoba koja će preuzeti njegovu funkciju biće imenovana u kratkom roku.

“Ambasador Andrieu je tokom svog mandata dao posebno značajan doprinos postizanju boljeg razumijevanja između općina i kantona, te općina i entiteta u području odgovornosti Regionalnog ureda OHR-a u Mostaru.”, rekao je danas visoki predstavnik, Paddy Ashdown. “On je imao značajnu ulogu u održavanju pozitivnog političkog okruženja što je imalo ogroman uticaj na ubrzanje tempa reformi u području Hercegovine.”

Zamjenik Regionalnog ureda u Mostaru, gospodin Anatoly Viktorov, će biti vršilac dužnosti šefa ovog Ureda do imenovanja osobe koja će na ovoj funkciji naslijediti ambasadora Andrieu-a. Viši zamjenik visokog predstavnika, Werner Wnendt, koji je i specijalni izaslanik visokog predstavnika za Mostar će i dalje nastaviti nadgledati sveukupnu implementaciji Odluke Visokog predstavnika o ujedinjenju uprave grada Mostara. Jedinica za implementaciju Odluke o Mostaru će i dalje poduzimati aktivnosti koje se odnose na svakodnevnu implementaciju Odluke.